

# Media Cymru x BBC Cymru Wales Cronfa Arloesi Cynnwys (Rownd 2)

## Tabl Cynnwys

Trosolwg.....	2
Cymhwysedd .....	3
Hygyrchedd .....	4
Dyddiadau Allweddol .....	4
Diffiniad Media Cymru o Ymchwil a Datblygu.....	5
Dull gweithredu Media Cymru o ran datblygu cynnwys .....	5
Pileri Media Cymru .....	6
Cyfrifoldebau'r ymgeisydd .....	7
Moeseg ac Arloesi Cyfrifol .....	8
Rheoli Cymorthdaliadau .....	8
Cymorth Ariannol Lleiaf .....	9
Cynllun Cymorthdaliadau Syml ar gyfer Ymchwil, Datblygu ac Arloesi .....	10
Meini Prawf Asesu .....	13
Cwestiynau'r cais.....	14

## Trosolwg

Mae ail rownd Cronfa Arloesi Cynnwys y BBC Media Cymru yn gwahodd cwmnïau cynhyrchu yng Nghymru i gyflwyno cynigion ar gyfer prosiectau Ymchwil a Datblygu sy'n canolbwyntio ar ddulliau arloesol o ymdrin â chynnwys yr hinsawdd. Bydd ymgeiswyr llwyddiannus yn datblygu rhaglenni i hysbysu ac ymgysylltu â chynulleidfaedd ledled Cymru a'r tu hwnt am un o'r materion pwysicaf yn ein hoes.

Mae'r Gronfa Arloesi Cynnwys yn cynnig amser ac adnoddau penodol i gwmnïau annibynnol yng Nghymru i archwilio ffyrdd arloesol o ymgysylltu cynulleidfaedd â'r argyfwng hinsawdd. Mae'r gronfa'n cyd-fynd â Strategaeth Climate Creatives y BBC ac mae'n ymateb i'r [Addewid Cynnwys Hinsawdd](#) (a lofnodwyd gan y BBC a darlledwyr a ffrydwyr mawr eraill yn COP26).

Bwriad y prosiect ymchwil a datblygu amser sefydlog yw rhagflaenu cyllid datblygu traddodiadol gan gomisiynydd. Bydd cwmnïau'n cael eu hariannu i ymchwilio a datblygu syniad uchelgeisiol ar gyfer cynnwys yr hinsawdd sydd wedi'i anelu at gynulleidfa brif ffrwd, gydag arloesedd wrth ei wraidd, ac apêl eang ar gyfer BBC One Wales neu'r rhwydwaith. Gall syniadau ymwneud ag unrhyw genre: gellir datblygu dulliau arloesol o ymdrin â chynnwys yr hinsawdd mewn genres fel drama, adloniant a chomedi, yn ogystal ag mewn fformatau ffeithiol traddodiadol.

**Bydd y Gronfa Arloesi Cynnwys yn agor ddydd Mercher 2 Hydref 2024. Y dyddiad cau ar gyfer ceisiadau yw hanner dydd, ddydd Gwener 8 Tachwedd 2024.**

Bydd hyd at bum cwmni yng Nghymru yn cael eu dewis i ddatblygu syniadau ar gyfer gwaith ymchwil a datblygu tri mis a fydd yn cael ei gynnal rhwng mis Chwefror a mis Ebrill 2025. Bydd ymgeiswyr llwyddiannus yn cael hyd at £20,000 yr un i gynnal gwaith ymchwil a datblygu, i ddatblygu syniad newydd a chyflwyno cais a dilyniant sampl.

Ar ddechrau'r gwaith ymchwil a datblygu, bydd Diwrnod Gwybodaeth yn cael ei gynnal i roi cyfle i gwmnïau ymgysylltu â strategaeth Climate Creatives y BBC, ac i

drafod safbwyntiau gwyddonol ar newid yn yr hinsawdd a rhoi gwybodaeth am sut mae cynulleidfaoedd amrywiol yn ymgysylltu â chynnwys yr hinsawdd.

Gall y gronfa arwain at y BBC yn comisiynu syniad am raglen. Fodd bynnag, os nad yw'r syniad yn arwain at gomisiwn neu ragor o gyllid datblygu gan y BBC, bydd cwmnïau'n rhydd i gadw eu heiddo deallusol a datblygu'r syniad ymhellach gyda darlledwyr eraill.

## Cymhwysedd

Gyda'n holl weithgarwch, rydyn ni'n awyddus i gyrraedd y gynulleidfa ehangaf bosibl i sicrhau ein bod yn clywed y syniadau gorau. Rydyn ni'n cydnabod bod buddsoddiad ym maes ymchwil a datblygu yn canolbwyntio'n rhy aml ar rwydweithiau nad ydynt yn cynrychioli ein cymuned ehangach o ran ei hamrywiaeth gymdeithasol a diwylliannol. Ein nod yw newid y patrwm hwnnw ac rydyn ni'n gweithio i fynd i'r afael â'r anghydbwysedd strwythurol hwn yn y sector. Rydyn ni hefyd yn gobeithio ysbrydoli llwybrau ymchwil a datblygu trawsnewidiol a chynhwysol a fydd yn herio ffyrdd presennol o gynhyrchu a meddwl.

Meini prawf cymhwysedd:

- Mae gennych chi syniad ar gyfer prosiect ymchwil a datblygu arloesol sy'n canolbwyntio ar gynnwys yr hinsawdd sy'n cyd-fynd â Strategaeth Climate Creatives y BBC.
- Rhaid i'ch prosiect fod wedi'i anelu at gynulleidfaoedd prif ffrwd, gydag apêl eang i BBC One Wales neu'r rhwydwaith.
- Rhaid i'ch cwmni fod yng Nghymru a rhaid iddo fod yn 'Gynhyrchiad Rhanbarthol' o Gymru yn unol â'r meini prawf ar gyfer cynyrchiadau rhanbarthol yng [Nghanllawiau Ofcom ar gyfer darlledwyr gwasanaeth cyhoeddus](#)
- Rhaid i'ch cwmni gael o leiaf un credyd teledu o fewn y chwe blynedd diwethaf.
- Gallwch chi neilltuo amser ac ymdrech i gwblhau prosiect ymchwil a datblygu rhwng mis Chwefror a mis Ebrill 2025.

- Dim ond un cais y byddwn yn ei dderbyn a'i ariannu fesul unigolyn/cwmni/sefydliad fel arweinydd prosiect.

Rhaid cyflwyno pob ffurflen gais drwy ein gwefan:

[www.media.cymru/cym/funding/cronfa-arloesi-cynnwys-y-bbc/](http://www.media.cymru/cym/funding/cronfa-arloesi-cynnwys-y-bbc/)

## Hygyrchedd

Os oes gennych unrhyw ofynion penodol a fyddai'n gwneud y cais yn fwy hygyrch i chi (megis cyngor, cyfarwyddiadau neu gymorth darllen) neu os hoffech drafod y cais hwn mewn fformat arall (fformatau fideo neu sain, adroddiad sain, ffont mawr, testun plaen, neu iaith arall) anfonwch e-bost i [media.cymru@caerdydd.ac.uk](mailto:media.cymru@caerdydd.ac.uk) neu ffoniwch 02922 511 434.

## Dyddiadau Allweddol

- **2 Hydref 2024** – Ceisiadau ar agor
- **8 Tachwedd 2024** – Ceisiadau'n cau am hanner dydd: sylwch na dderbynnir ceisiadau ar ôl yr amser hwn
- **6 Rhagfyr 2024** – Ymgeiswyr yn cael gwybod (dylai ymgeiswyr nodi y gall gymryd hyd at 5 wythnos i gontractau gael eu cyhoeddi)
- **29 Ionawr 2025** – Diwrnod Gwybodaeth (BBC, Sgwâr Canolog, Caerdydd)
- **3 Chwefror 2025** – Prosiectau ymchwil a datblygu yn dechrau
- **30 Ebrill 2025** – Prosiectau ymchwil a datblygu yn gorffen
- **Mis Mai – Mis Mehefin 2025** – y posibilrwydd o'r BBC yn comisiynu syniad (os nad yw prosiectau'n cael eu comisiynu, byddant yn rhydd i gadw'r Eiddo Deallusol a datblygu eu prosiectau gyda phartneriaid eraill)

## Diffiniad Media Cymru o Ymchwil a Datblygu

Diffinnir gweithgareddau ymchwil a datblygu fel gwaith creadigol a systematig a wneir i fynd i'r afael â heriau ac i greu cynhyrchion, gwasanaethau, prosesau neu brofiadau newydd neu well.

Gan ystyried cyd-destun y cyfryngau, gallai hyn olygu archwilio, profi neu arbrofi gyda thechnoleg newydd fel realiti estynedig, deallusrwydd artiffisial neu rithgynhyrchu. Gallai hefyd olygu archwilio ffyrdd o weithio sy'n flaengar, yn decach ac yn fwy cyfeillgar i'r blaned.. Gallai gynnwys profi dulliau newydd o gynhyrchu, dosbarthu a phrofi cynnwys, neu ffyrdd newydd o gyrraedd cynulleidfaoedd a bod yn fwy sensitif i'w hanghenion a'u gofynion.

Dyma'r math o brosiectau ymchwil a datblygu rydyn ni'n chwilio amdanynt:

- **Gwreiddiol:** bydd yn seiliedig ar gysyniadau a damcaniaethau gwreiddiol, nid rhai amlwg.
- **Creadigol:** bydd yn defnyddio dulliau arbrofol ac yn cynhyrchu canfyddiadau newydd.
- **Ansicr:** bydd yn dechrau gyda rhywfaint o ansicrwydd ynghylch y canlyniadau terfynol.
- **Systematig:** bydd yn seiliedig ar ddull gweithredu wedi'i gynllunio a'i gyllidebu.
- **Trosglwyddadwy:** bydd yn cynhyrchu canlyniadau y gellir eu hatgynhyrchu er mwyn sicrhau manteision ehangach.

## Dull gweithredu Media Cymru o ran datblygu cynnwys

Rydyn ni'n croesawu ceisiadau ar gyfer prosiectau ymchwil a datblygu sy'n archwilio dulliau arloesol a newydd o ddatblygu cynnwys, creu fformatau cyfryngau newydd a thechnegau cynhyrchu cynnwys. Fodd bynnag, nid ydym yn comisiynu'r

gwaith o ddatblygu cynnwys cyfryngau masnachol. Yn ymarferol, mae hyn yn golygu bod canlyniad prosiect datblygu cynnwys Ymchwil a Datblygu Media Cymru yn debygol o fod yn naill ai'n brototeip, yn profi cysyniad, yn cyflwyno cais, yn fideo hyrwyddo byr neu'n gynllun technegol, yn hytrach na chynllun peilot, rhaglen neu ffilm gorffenedig.

Dyma enghreifftiau o weithgareddau datblygu cynnwys a fyddai'n gymwys ar gyfer cyllid Ymchwil a Datblygu gan Media Cymru:

- Archwilio a phrofi'r defnydd o dechnolegau newydd fel deallusrwydd artiffisial, technolegau cynhyrchu cyfryngau uwch, neu dechnolegau pelydr-R.
- Dulliau cydweithio newydd sy'n cwmpasu gwahanol is-sectorau creadigol fel cynhyrchu teledu/ffilm, gemau a pherfformiad byw, i greu mathau newydd o gynnwys cyfryngau cydgyfeiriol a dulliau dosbarthu.
- Dulliau arloesol o adrodd straeon.
- Gweithgareddau cyfnewid gwybodaeth, fel grwpiau ffocws a gweithdai, sydd wedi'u dylunio i ddatgelu cysyniadau, dulliau neu safbwyntiau newydd i lywio'r gwaith o ddatblygu cynnwys.
- Ymchwil cynulleidfa sy'n arwain at arloesi cysyniadol a/neu gynhyrchu cynnwys sy'n cyrraedd cynulleidfaedd mwy amrywiol neu gynulleidfaedd nad ydynt yn cael eu gwasanaethu'n ddigonol
- Ymchwil i'r farchnad sy'n arwain at ddealltwriaeth ddyfnach o farchnadoedd byd-eang a datblygu strategaethau ar gyfer twf economaidd wedi'i dargedu

## Pileri Media Cymru

Rydyn ni'n awyddus i gefnogi prosiectau sy'n mynd i'r afael â rhai agweddau o'n pedwar piler strategol, neu bob un ohonynt: Gwyrdd, Teg, Byd-eang, Twf.

Dyma pileri strategol rhaglen Media Cymru:

- [Gwyrdd](#) - lleihau effaith amgylcheddol negyddol y sector
- [Teg](#) - creu sector teg, cyfartal ac amrywiol
- [Byd-eang](#) - cynyddu cydweithrediadau rhyngwladol

- [Twf](#) - sbarduno twf a chynhyrchiant drwy Ymchwil a Datblygu

## Cyfrifoldebau'r ymgeisydd

Er ein bod yn annog cydweithio, rhaid i bob cais ar gyfer prosiect gael ei arwain gan un person neu sefydliad. Yn dibynnu ar y math o sefydliad, rhaid i'r ymgeisydd fod â hawl gyfreithiol i weithio yn y DU neu fod yn fusnes neu'n elusen sydd wedi'u cofrestru yn y DU.

Mae'r prif ymgeisydd yn gyfrifol am y canlynol:

- Bod yn 'arweinydd cytundebol' neu'n llofnodwr Cytundeb Grant Media Cymru.
- Arwain, rheoli a chyflawni'r prosiect yn unol â'r cynnig a'r gyllideb y cytunwyd arnynt.
- Hawlio a derbyn cyllid grant a chadw cofnodion ariannol priodol o'r holl wariant.
- Bod yn bwynt cyswllt ar gyfer adrodd a monitro ar y prosiect, gan gysylltu'n rheolaidd ag aelod penodol o dîm Media Cymru.

Pan fydd y prosiect yn gydweithredol, ac yn cynnwys cyd-ymgeiswyr eraill, bydd yr ymgeisydd hefyd yn gyfrifol am y canlynol:

- Rhoi unrhyw is-gontractio neu gytundebau cydweithio angenrheidiol ar waith gyda chyd-ymgeiswyr.
- Dosbarthu cyllid i gyd-ymgeiswyr yn unol â chyllideb y prosiect y cytunwyd arni.

Bydd yn rhaid i'r prif ymgeisydd roi sicrwydd bod ganddynt gyfrif banc busnes, ei fod yn gallu rheoli gofynion llif arian ei brosiectau, a bod ganddo brosesau ariannol priodol ar waith i gyflawni prosiectau yn unol â'n telerau ac amodau cyllido.

Pan fydd prosiect yn cael ei ffurfio gan gonsortiw m o sefydliadau, rhaid enwi pob sefydliad sy'n cydweithio (neu 'gyd-ymgeiswyr') yng nghynnig y prosiect.

Byddwn yn cynnal gwiriadau diwydrwydd dyladwy ar sefydliadau fel rhan o'n hasesiadau dichonoldeb prosiect. Mae'r canlyniadau'n cael eu hystyried yn erbyn maint y cyllid y gofynnwyd amdano a hyd gweithgareddau'r prosiect. Rhaid i'r ymgeisydd a'r cyd-ymgeiswyr fod yn fodlon cyflwyno dogfennau ategol ar gais.

Rhaid i unrhyw ymgeisydd fod yn gymwys i gael cyllid yn unol â Deddf Rheoli Cymorthdaliadau 2022 pan fyddwn yn cadarnhau y dyfernir cyllid i chi.

Os oes gennych unrhyw ymholiadau ynghylch rheoli cyllid, cysylltwch â [media.cymru@cardiff.ac.uk](mailto:media.cymru@cardiff.ac.uk) a byddwn yn fwy na pharod i roi arweiniad i chi.

## Moeseq ac Arloesi Cyfrifol

Mae Media Cymru yn cadw at y safonau uchaf posibl o ran [moeseq ymchwil](#). Mae gennym rai gwerthoedd sylfaenol sy'n llywio ein gweithdrefnau, sy'n cydfynd yn uniongyrchol â phrif amcanion Media Cymru. Mae ein hymrwymiad i safonau moeseqol uchel hefyd yn ceisio llywio, meithrin a chefnogi'r gweithgareddau ymchwil a datblygu a gynlluniwyd ac a ddatblygwyd gan ein prosiectau sy'n cael eu hariannu.. Yn dilyn [Fframwaith Arloesi Cyfrifol](#) UKRI, bydd ein paneli asesu yn ystyried effaith foeseqol y prosiect ymchwil a datblygu arfaethedig (gan gynnwys canlyniadau anfwriadol posibl). Gwnewch yn siŵr eich bod yn ystyried ystyriaethau moeseqol yn eich cais, yn enwedig wrth ddangos effaith economaidd, gymdeithasol, ddiwylliannol ac amgylcheddol bosibl y prosiect ymchwil a datblygu arfaethedig.

## Rheoli Cymorthdaliadau

Ystyr cymhorthdal yw pan fydd awdurdod cyhoeddus yn rhoi cymorth i fenter er mwyn sicrhau mantais economaidd i'r fenter honno. Mae cymorthdaliadau a ddyfernir, yn unol â Deddf Rheoli Cymorthdaliadau 2022, yn darparu ffordd ddilys o gael cyllid cyhoeddus i gefnogi gweithgarwch economaidd.

Cynigir cymorth Cronfa Arloesi Cynnwys y BBC ar ffurf grant arian parod gan Brifysgol Caerdydd, hyd at £20,000. Mae dau lwybr Rheoli Cymhorthdal y gellid eu



defnyddio i gyflwyno Cronfa Arloesi Cynnwys y BBC: **Cymorth Ariannol Lleiaf (MFA) neu Gynllun Cymorthdaliadau Syml ar gyfer Ymchwil, Datblygu ac Arloesi (RDI SSS).**

## Cymorth Ariannol Lleiaf

O dan reolau Cymorth Ariannol Lleiaf, gall awdurdodau cyhoeddus ddyfarnu hyd at £315,000 o gymhorthdal Cymorth Ariannol Lleiaf i fenter dros 'gyfnod perthnasol' o dair blynedd ariannol. Y 'cyfnod perthnasol' hwn yw:

- y rhan sydd wedi mynd heibio o'r flwyddyn ariannol gyfredol sy'n dod i ben ar 30 Mawrth (h.y. o fis Ebrill ymlaen) a'r
- ddwy flynedd ariannol yn union cyn y flwyddyn ariannol gyfredol.

Yn y cais gofynnir i chi ddatgan eich cymhwysedd i dderbyn cyllid drwy'r llwybr Cymorth Ariannol Lleiaf. I gadarnhau eich bod yn gymwys, mae angen i chi gadarnhau nad yw ychwanegu ein cyllid grant yn golygu eich bod yn derbyn mwy na'r uchafswm o £315,000 Cymorth Ariannol Lleiaf sydd ar gael dros y 'cyfnod perthnasol' o dair blynedd ariannol.

Wrth asesu'r cymorth blaenorol y gallech fod wedi'i gael dros y cyfnod perthnasol, dylech gynnwys y canlynol:

- Cymorth De Minimus
- Symiau Bach o Gymorth Ariannol (SAFA) a roddir fel Hawliau Arbennig Tynnu Allan (SDR)
- Cymorth Ariannol gan y Gwasanaethau o Fudd Economaidd Cyhoeddus (SPEI)
- Cymorth Ariannol Lleiaf

Dylai llythyrau dyfarnu neu hysbysu ymlaen llaw gan awdurdodau cyhoeddus nodi'n glir y sail a'r dyddiad dyfarnu. Os nad ydych yn siŵr, dylech gysylltu â'r awdurdod cyhoeddus sy'n rhoi'r cymorth i gadarnhau ei natur. Nid oes angen i chi gynnwys cymorth a roddir ar sail wahanol - er enghraifft grant a wneir o dan Reoliad Eithriad Bloc Cyffredinol Cymorth Gwladwriaethol yr UE (GBER).

Wrth asesu Cymorth Ariannol Lleiaf, **rheid i chi gynnwys pob sefydliad yn strwythur eich grŵp sy'n gweithredu o dan 'rheolaeth gyffredin'**. Mae rhagor o fanylion am hyn ar gael yn Atodiad 1 y [Canllawiau Statudol](#) ar gyfer [Deddf Rheoli Cymorthdaliadau'r DU 2022](#), para 15.40-15.46, tt. 174-176.

Os ydych chi'n ansicr ynghylch eich rhwymedigaethau o dan Ddeddf Rheoli Cymorthdaliadau 2022, mae rhagor o wybodaeth ar gael yn y [Canllawiau Statudol](#), Pennod 7. Efallai y byddwch hefyd yn dymuno adolygu'r canllawiau ehangach sydd ar gael gan [Uned Rheoli Cymorthdaliadau Llywodraeth Cymru](#), neu i geisio cyngor cyfreithiol annibynnol. Nid yw Prifysgol Caerdydd yn gallu rhoi cyngor ar gymhwysedd neu rwymedigaethau cyfreithiol unigol.

Os yw'r swm arfaethedig hwn yn fwy na £315,000, mae'n bosibl y byddwch yn gymwys ar gyfer Cynllun Cymorthdaliadau Syml ar gyfer **Ymchwil, Datblygu ac Arloesi (neu RDI SSS)**. Cysylltwch â [media.cymru@caerdydd.ac.uk](mailto:media.cymru@caerdydd.ac.uk) i gael rhagor o wybodaeth ac arweiniad.

## Cynllun Cymorthdaliadau Syml ar gyfer Ymchwil, Datblygu ac Arloesi

Mae cymorth gan Media Cymru a ddyfarnwyd fel grant arian parod o dan y Cynllun Cymorthdaliadau Syml ar gyfer Ymchwil, Datblygu ac Arloesi (RDI SSS) yn unol ag Adran 10 o Ddeddf Rheoli Cymorthdaliadau 2022. Yn eich cais, gofynnir i chi ddatgan eich cymhwysedd ar gyfer RDI SSS a darparu gwybodaeth sy'n sefydlu sut mae'r prosiect, eich sefydliad a lefel y cyllid yn bodloni meini prawf y cynllun.

Mae'r ganran uchaf o gymorth grant RDI SSS y gall Media Cymru ei darparu yn dibynnu ar faint y cwmni (fel y pennir o dan Ddeddf Cwmnïau 2006) a'r categori gweithgarwch ymchwil a datblygu y mae eich prosiect yn bwriadu ei gyflawni.

Meini Prawf Cymhwys	Mentrau bach	Mentrau maint canolig
Trosiant	Dim mwy na £10.2 miliwn	Dim mwy na £36 miliwn
Cyfanswm y Fantolen	Dim mwy na £5.1 miliwn	Dim mwy na £18 miliwn
Nifer y Gweithwyr	Dim mwy na 50	Dim nwy na 250

Mae unrhyw gwmnïau nad ydynt yn bodloni'r meini prawf ar gyfer cwmnïau bach neu ganolig yn gwmnïau mawr. Mae rhagor o wybodaeth ar gael o dan [ganllawiau Tŷ'r Cwmnïau Llywodraeth y DU](#).

### Categoriâu gweithgarwch ymchwil

**Ymchwil ddiwydiannol** yw'r ymchwil arfaethedig neu'r ymchwiliad beirniadol sydd wedi'i anelu at gaffael gwybodaeth a sgiliau newydd ar gyfer datblygu cynhyrchion, prosesau neu wasanaethau newydd; neu sydd â'r nod o sicrhau gwelliant sylweddol mewn cynhyrchion, prosesau neu wasanaethau presennol.

**Ystyr datblygu** arbrofol yw caffael, cyfuno, siapio a defnyddio gwybodaeth a sgiliau gwyddonol, technolegol, busnes, a gwybodaeth a sgiliau perthnasol eraill gyda'r nod o ddatblygu cynhyrchion, prosesau neu wasanaethau newydd neu well.

### Y lefelau o gyllid sydd ar gael

	Ymchwil Ddiwydiannol	Datblygu Arbrofol
Mentrau Bach	70% o gostau cymwys y prosiect	45% o gostau cymwys y prosiect
Mentrau Canolig	60% o gostau cymwys y prosiect	35% o gostau cymwys y prosiect
Mentrau Mawr	50% o gostau cymwys y prosiect	25% o gostau cymwys y prosiect

## Costau cymwys

Bydd Media Cymru yn rhoi templed cyllideb i chi i gofnodi cyfanswm eich costau cymwys. Mae uchafswm y grant y gallwch chi ofyn amdano wedi'i gyfyngu i ganran y costau hyn fel y nodir yn y tabl uchod. Rhaid i'r holl gostau fod yn ganlyniad uniongyrchol i'r prosiect, wedi'u cyfyngu i'r costau sy'n gwbl angenrheidiol ar gyfer y prosiect, ac a gafwyd rhwng dyddiad dechrau a dyddiad gorffen y prosiect.

O dan gynllun SSS RDI, mae'r costau canlynol yn gymwys:

- Costau staff neu bersonél; ymchwilwyr, technegwyr a staff ategol eraill sydd wedi'u cyflogi ar gyfer y prosiect.
- Costau offer sydd eu hangen ar gyfer y prosiect.
- Costau cynnal ymchwil ac ymgynghori allanol ac ymchwil gontractiol neu asedau gwybodaeth eraill, gan gynnwys patentau a brynwyd neu a drwyddedwyd o ffynonellau allanol.
- Costau i weithredu prosiectau fel deunyddiau, cyflenwadau a nwyddau tebyg.
- Gorbenion (bydd angen i'ch methodoleg neu'ch proses o gyfrifo'r rhain gael ei hadolygu gan Media Cymru).

## Os dyfernir cyllid o dan RDI SSS, byddwn ni'n gofyn i chi ddangos tystiolaeth o'r costau rydych chi wedi'u hwynebu pan fyddwch chi'n hawlio'r grant gennym ni.

Darperir manylion a chanllawiau ychwanegol ar ddarparu'r polisiau cadw, tystiolaeth a gwybodaeth ariannol ar ôl cadarnhau cymhwysedd ar gyfer RDI SSS.

Bydd templed y gyllideb yn gofyn i chi gadarnhau ffynonellau incwm eraill ar gyfer y prosiect. Hefyd, bydd yn gofyn i chi ddangos sut byddwch chi'n cefnogi gweddill y costau ar gyfer y prosiect nad yw'r grant yn talu amdanynt, sef eich **arian cyfatebol**. Gweddill y costau rydych chi'n talu amdanynt, llai unrhyw ffynonellau incwm/cyllid allanol eraill ar gyfer y prosiect, yw eich cyfraniad arian cyfatebol a delir o'ch adnoddau eich hun. Rhai enghreifftiau eraill o incwm i gefnogi'r prosiect yw ffynonellau eraill o gyllid allanol gan fuddsoddwyr arian parod eraill neu grantiau cyhoeddus.

**Rhaid i werth yr holl arian cyhoeddus a ddefnyddir i gefnogi'r prosiect beidio â bod yn fwy na chanran y cymhorthdal a ganiateir.** Dydy cyfraniadau o fathau eraill

ar gyfer y prosiect gan drydydd partïon **ddim** yn rhan o'ch costau cymwys nac eich arian cyfatebol.

## Meini Prawf Asesu

Bydd cynigion eich cais yn cael eu hasesu mewn pedwar maes allweddol:

### 1. Eich Syniad am Raglen

Rhaid i'ch syniad am raglen fodloni'r canlynol:

- Ymwneud ag ymgysylltu a rhoi gwybodaeth i gynulleidfaeodded am **newid yn yr hinsawdd**
- Gallu gweithredu ar lwyfan nad yw'n llinol, e.e. BBC iPlayer, a pheidio â thybio sianel deledu neu slot amser.

Mae gan y BBC ddiddordeb mewn denu cynulleidfaeodded newydd a phrif ffrwd, o bob rhan o gymdeithas, gyda chynnwys arloesol a dylanwadol felly byddwn ni'n ystyried sut gallai eich syniad wasanaethu cynulleidfaeodded presennol a newydd:

### 2. Sut mae Ymchwil a Datblygu yn Cefnogi eich Syniad am Raglen

Dyma gyfle i roi gwybod i ni beth sy'n arloesol am eich prosiect. Nid yw hon yn rhestr gynhwysfawr, ond efallai yr hoffech ymchwilio, datblygu neu brofi'r canlynol:

- Ffyrdd newydd o gynhyrchu a datblygu syniadau ar gyfer rhaglenni/fformatau.
- Ffyrdd newydd o ymgysylltu a hysbysu cynulleidfaeodded am newid yn yr hinsawdd.
- Defnyddio technolegau newydd neu ddefnyddio graffeg mewn ffordd na welwyd o'r blaen i helpu i adrodd stori.
- Sut gallai cynulleidfaeodded ac ymddygiad cynulleidfaeodded fod yn newid er mwyn gwella datblygiad cynnwys teledu arloesol.

- Dulliau cynhyrchu newydd, er enghraifft drwy griwio, prosesau golygu, neu fath newydd o gydweithio ac ati, er mwyn datblygu cynnwys teledu arloesol.

Mae diffiniad Media Cymru o Ymchwil a Datblygu a'r dull o ddatblygu cynnwys wedi'i ddisgrifio uchod.

### 3. Effaith y Prosiect

Bydd angen i'ch gweithgarwch ymchwil a datblygu gasglu tystiolaeth y bydd eich syniad am raglen yn ymgysylltu ac yn hysbysu cynulleidfaoedd am agweddau allweddol ar newid yn yr hinsawdd.

### 4. A yw'r cynnig yn gyraeddadwy ac yn realistig?

A oes cynllun clir ar gyfer eich ymchwil a datblygu sy'n defnyddio arbenigedd priodol ac yn ystyried ymrwymadau eraill o ran eich amser? Dyma beth rydyn ni'n chwilio amdano:

- Amserlen glir a chyraeddadwy ar gyfer elfennau allweddol i'w cyflawni.
- Lefel realistig o risg.
- Lefelau priodol o brofiad a gallu yn y tîm.
- Gofynion am adnoddau gan gynnwys gallu technolegol.
- Cyllideb ddangosol realistig

## Cwestiynau'r cais

**Sylwch fod yn rhaid i bob cais gael ei gyflwyno drwy'r ffurflen ar-lein ar ein gwefan:** [www.media.cymru/cym/funding/cronfa-arloesi-cynnwys-y-bbc/](http://www.media.cymru/cym/funding/cronfa-arloesi-cynnwys-y-bbc/)

Os ydych chi'n dymuno paratoi eich atebion all-lein, dyma gwestiynau allweddol y ffurflen gais\*.

### Meini Prawf

- Mae fy menter (cwmni neu weithiwr llawrydd) wedi'i lleoli yng Nghymru.

- Mae fy nghwmni wedi cael credyd darlledu o fewn y chwe blynedd diwethaf.
- Mae fy nghwmni'n gymwys i dderbyn cyllid grant a ddyfarnwyd o dan Gymorth Ariannol Lleiaf. (gweler y meini prawf cymhwysedd ar gyfer cyllid grant). Cysylltwch â ni i drafod opsiynau eraill os nad ydych chi'n gymwys i gael cyllid o dan Gymorth Ariannol Lleiaf.
- Mae fy nghwmni ar gael, ac mae gennym y capasiti i weithio ar y prosiect hwn rhwng mis Chwefror a mis Ebrill 2024.

## Manylion Prosiect Ymchwil a Datblygu

- **Teitl y prosiect.**
- **Ysgrifennwch grynodedb o'ch syniad am raglen.** (hyd at 250 gair)

Rhaid i'ch syniad am raglen fodloni'r canlynol:

- Ymwneud ag ymgysylltu a rhoi gwybodaeth i gynulleidfaoedd am **newid yn yr hinsawdd**
- Gallu gweithredu ar lwyfan nad yw'n llinol, e.e. BBC iPlayer, a pheidio â thybio sianel deledu neu slot amser.
- **Ysgrifennwch grynodedb o'ch syniad neu ddull prosiect ymchwil a datblygu, gan dynnu sylw at sut mae'n cefnogi eich syniad am raglen.** (hyd at 300 gair)
- **Mae gan y BBC ddiddordeb mewn denu cynulleidfaoedd newydd, o bob rhan o gymdeithas, gyda chynnwys arloesol a dylanwadol. Amlinellwch y gynulleidfa darged ar gyfer eich syniad.** (hyd at 200 gair)
- **Sut bydd eich prosiect yn cyd-fynd â'r amserlen? Rhowch amserlen sylfaenol o weithgareddau, gan ddangos sut bydd modd cyflawni eich prosiect o fewn yr amserlen 2-3 mis.**

Mae'n bwysig eich bod yn dangos amserlen glir a chyraeddadwy ar gyfer elfennau allweddol i'w cyflawni. Efallai yr hoffech ddefnyddio dyddiadau allweddol a cherrig milltir y prosiect i ateb y cwestiwn hwn.

- **Beth yw'r gyllideb a amcangyfrifir ar gyfer y Cam Ymchwil a Datblygu?**  
Rydyn ni'n cynnig cyllid o hyd at £20,000 ar gyfer y cam ymchwil a datblygu. Dim ond ar gyfer y cam ymchwil a datblygu rydych yn gwneud cais amdano ar hyn o bryd. Bydd y cam comisiynu yn amodol ar broses gomisiynu arferol BBC Cymru a/neu rwydwaith y BBC.
- **Rhowch syniad o'r math o gostau rydych chi'n debygol o'u hwynebu wrth gyflawni eich prosiect drwy'r cam ymchwil a datblygu.**  
(Sylwch: Mae'r gyllideb hon yn un dros dro. Gofynnir i chi ddarparu cyllideb fanylach yn ddiweddarach os bydd eich cais yn llwyddiannus, gydag arweiniad os bydd angen.)

## Effaith y prosiect

Esboniwch sut byddai eich gwaith ymchwil a datblygu a/neu'r rhaglen yn cael effaith gadarnhaol ar ymgysylltiad y cyhoedd â newid yn yr hinsawdd a'u dealltwriaeth ohono (hyd at 200 gair)

## Gwaith blaenorol

Dangoswch dystiolaeth o'ch hanes o gynhyrchu cynnwys ffeithiol, neu rhowch ddolen i bortffolio a/neu fideo eich cwmni. Rhaid i'ch cwmni fod wedi cael credyd darlledu o fewn y chwe blynedd diwethaf.

## Eich manylion

- Enw'r prif gwmni:
- Gwefan:
- Cyfeiriad:
- Cod Post:
- Cyfeiriad e-bost:

## Tîm craidd

- Enw:



- Cyflogwr:
- Teitl y swydd:
- Disgrifiwch yn fyr y rôl ar y prosiect:
- Cyfeiriad e-bost:
- Aelodau eraill o'r tîm

## Dogfennau ategol

### Monitro Amrywiaeth

Llenwch ein Ffurflen Monitro Amrywiaeth ddiennw. Mae'r wybodaeth hon yn ein helpu i ddeall amrywiaeth ein hymgeiswyr a'n sefydliadau a ariennir, ac i lunio rhaglen ymchwil a datblygu sy'n cynrychioli ein cymunedau yng Nghymru.

\*I weld y ffurflen gais lawn, ewch i'r ffurflen ar-lein ar ein gwefan:

[www.media.cymru/cym/funding/cronfa-arloesi-cynnwys-y-bbc/](http://www.media.cymru/cym/funding/cronfa-arloesi-cynnwys-y-bbc/)